

Na osnovu čl. 15. stav (1) Zakona o Upravi za indirektno oporezivanje ("Službeni glasnik BiH", broj 89/05) i člana 57. stav (4) Zakona o porezu na dodanu vrijednost ("Službeni glasnik BiH", br. 9/05, 35/05 i 100/08) , direktor Uprave za indirektno oporezivanje, donosi

UPUTSTVO

o izmjenama i dopunama Uputstva o registraciji i upisu u Jedinствeni registar obveznika indirektnih poreza

Član 1.

U Uputstvu o registraciji i upisu u Jedinствeni registar obveznika indirektnih poreza („Službeni glasnik BiH“ broj 81/07), u članu 1. stav (1) broj Službenog glasnika Bosne i Hercegovine “28/07” zamjenjuje se brojem „51/12“, a riječi „proizvođača akciznih proizvoda sa sjedištem u Bosni i Hercegovini“ zamjenjuju se riječju „akcize“.

Član 2.

U članu 2. stav (1) riječ „domaće“ briše se.

U stavu (2) riječ „domaće“ briše se.

Član 3.

U Uputstvu o registraciji i upisu u Jedinствeni registar obveznika indirektnih poreza („Službeni glasnik BiH“ broj 81/07), u članu 3. stav (1), (2), (3), i (4), članu (4) stav (1), članu (5) stav (1), članu (8) stav (1), članu 10. stav (1) i (3), članu 11. stav (1), (3) i (5), članu 12. stav (1), (2), (3) i (4), članu 13. stav (3) i članu 16. stav (1) i (3) riječi „Odsjek za pružanje usluga poreznim obveznicima” zamjenjuju se riječima „Odsjek za podršku”, a riječi „Grupa za pružanje usluga poreznim obveznicima” zamjenjuju se riječima „Grupa za podršku”.

Član 4.

U članu 3. stav (1) iza riječi „podnosi se“ dodaje se riječ „mjesno“.

U stavu (3) broj „04/1-UPJR/1“ zamjenjuje se brojem „04/1-17-1-UPJR/1“.

U stavu (4) broj „04/1-UPJR/1“ zamjenjuje se brojem „04/1-17-1-UPJR/1“.

Član 5.

U članu 4. stav (1) riječ „ZR“ zamjenjuje se rječju „ZR1“.

U stavu (2) iza riječi “obavještenja” briše se intrerpunkcijski znak tačka i dodaju se riječi “uz upozorenje da ukoliko isti ne otklone, zahtjev će se riješiti prema stanju spisa.”

Stav (3) mijenja se i glasi:

„ (3) U okviru postupka službenik iz stava (1) ovog člana prikuplja dokaze koji su od važnosti za donošenje rješenja, provjerava tačnost i istinitost podataka navedenih u zahtjevu, a po potrebi vrši provjeru sjedišta poslovanja, odnosno mjesto obavljanja poslovne aktivnosti podnosioca zahtjeva neposrednim uvidom na terenu. Provjera mjesta obavljanja poslovne aktivnosti vrši se u slučajevima gdje je za obavljanje poslovne aktivnosti podnosioca zahtjeva neophodan proizvodni pogon, odnosno u slučajevima gdje je za otpočinjanje poslovne aktivnosti potreban duži vremenski period, te postoji sumnja da isti neće ostvariti promet u tekućoj kalendarskoj godini. Službenik popunjava predregistracioni kontrolni list, koji se nalazi u ALICE, dodaje bodove rizika, te štampa obrazac predregistracionog lista i odlaže ga u spis predmeta, nakon čega prijedlog sa komentarom o osnovanosti zahtjeva dostavlja elektronskim putem Sektoru za poreze-Odsjeku za podršku.”

Stav (4) mijenja se i glasi:

„ (4) Službenik iz stava (1) i (2) ovog člana, na zahtjev Grupe za obradu poreznih prijava, a na osnovu podataka iz službene evidencije UIO, nakon provedenog postupka registracije, označava oveznika PDV-a u ALICE kao izvoznika, označavajući odgovarajuće polje vezano za promet koji se odnosi na izvoz.“

Član 6.

U članu 5. dodaju se novi stavovi (1) i (3) koji glase:

„ (1) Ovlašteni službenik Odsjeka za podršku može u slučajevima propisanim članom 18. Pravilnika o registraciji i upisu u Jedinstveni registar obveznika indirektnih poreza, a na osnovu izvršenih provjera u službenim evidencijama UIO, zatražiti mjere osiguranja kao uslov za dozvoljavanje registracije u vidu bankovne garancije ili gotovinskog

depozita, o čemu Odsjek izdaje zaključak i dostavlja ga podnosiocu zahtjeva. Postupak obezbjeđenja mjera osiguranja u postupku registracije propisat će se posebnim uputstvom o preduzimanju mjera osiguranja u postupku registracije. “

„ (3) Odsjek iz stava (1) donosi rješenje o odbijanju zahtjeva za registraciju ukoliko podnositelj zahtjeva nije u roku otklonio nedostatke i ispunio uslove za registraciju, te ukoliko su podaci u zahtjevu netačni.“

Dosadašnji stav (1) postaje stav (2).

Član 7.

Naslov člana 6. mijenja se i glasi: „Prava i obaveze po osnovu registracije za PDV“

U članu 6. dodaje se novi stav (1) koji glasi:

„ (1) Licu koje u prethodnoj kalendarskoj godini ili u tekućoj godini ostvari oporezivi promet u iznosu većem od praga PDV-a, prava i obaveze po osnovu registracije za PDV, utvrđuju se od prvog dana u narednom mjesecu u odnosu na mjesec u kojem je ostvaren oporezivi promet.“

Dosadašnji stav (1) postaje stav (2), mijenja se i glasi:

„ (2) Licu za koje je vjerovatno da će u toku tekuće kalendarske godine ostvariti oporezivi promet u iznosu većem od praga PDV-a, te se registruju za PDV po osnovu procijenjenog prometa prava i obaveze po osnovu registracije se utvrđuju od dana donošenja rješenja o registraciji i upisu u Registar. U situacijama gdje postoji sumnja da će lice u toku kalendarske godine ostvariti oporezivi promet u iznosu većem od praga PDV-a (npr. duža investiciona ulaganja, izgradnja i prodaja ili iznajmljivanje nekretnina), od istog će se u postupku registracije tražiti dokazi da će ostvariti navedeni promet (ugovori i sl.). “

Dosadašnji stav (2) postaje stav (3).

Dosadašnji stav (3) postaje stav (4) i u istom se riječi „stava (2)“ zamjenjuju riječima „stava (3)“.

Iza stava (4) dodaje se novi stav (5) koji glasi:

„ (5) U slučaju kada jedno fizičko lice-preduzetnik, registrovani obveznik PDV-a, prestaje sa obavljanjem djelatnosti u svojoj preduzetničkoj radnji po rješenju nadležnog organa, a u istoj radnji odmah nastavlja da obavlja djelatnost drugi preduzetnik koji će time postati PDV obveznik, a istom je nadležna porezna uprava dodijelila PIB/JIB prethodnog obveznika, početak registracije kod novog PDV obveznika utvrđuje se narednog dana u odnosu na dan prestanka registracije prethodnog obveznika. Preduzetnik koji nastavlja obavljati djelatnost Upravi dostavlja notarski ovjerenu izjavu o preuzimanju svih obaveza po osnovu PDV-a, koje se eventualno naknadno utvrde u postupku kontrole.“

Član 8.

U članu 7. stav (1) riječi „člana 24.“ zamjenjuju se riječima „ člana 26.“.

Stav (2) mijenja se i glasi:

„ (2) Uvjerenje se izrađuje u jednom primjerku, koji se zajedno sa rješenjem o registraciji dostavlja registrovanom obvezniku indirektnih poreza putem regionalnog centra, a kopija istog se zajedno sa jednim primjerkom rješenja arhivira u spis u regionalnom centru.“

U stavu (3) iza riječi „uvjerenje“ dodaju se riječi „i rješenje o registraciji“, a riječ „dostavlja“ zamjenjuje se riječju „dostavljaju“.

Član 9.

U članu 9. stav (1) iza riječi „centru“ briše se intrerpunkcijski znak tačka i dodaju se riječi “dok se jedan primjerak rješenja o registraciji i štampani primjerak elektronske verzije zahtjeva za registraciju ZR1 arhivira i čuva u Središnjem uredu.”

Član 10.

U članu 10. stav (3) iza riječi „izvještaja“ dodaju se riječi „donosi rješenje o upisu promjene podataka u Registru i“.

Član 11.

U članu 12. stav (2) mijenja se i glasi:

„ (2) Zahtjev za prestanak registracije podnosi se mjesno nadležnom regionalnom centru i nakon kompletiranja dokumentacije ili po isteku ostavljenog roka za ispravljanje nedostataka prosljeđuje se Odsjeku za podršku na nadležno rješavanje.“

Iza stava (3) dodaju se novi stavovi (4),(5),(6),(7),(8),(9), (10) i (11) koji glase:

„ (4) U postupku prestanka registracije Odsjek za podršku traži od nadležnog kontrolnog organa da izvrši revizionu kontrolu izvršavanja obaveza poreznog obveznika.

“ (5) Revizionna kontrola se neće tražiti u slučajevima već zaključenog postupka stečaja ili likvidacije i izvršene statusne promjene kojim je društvo prestalo da postoji, kao i u postupku pokrenutom po službenoj dužnosti za obveznika PDV-a koji je od početka registracije u svim prijavama samooporezivanja u svim poljima prijave iskazivao nule, te za obveznika koji je u periodu od maksimalno 60 mjeseci prije pokretanja postupka

prestanka registracije u polju 11 i/ili 21, 22 i 23 prijave samooporezivanja iskazao vrijednost manju od 20.000,00KM, za periode koji nisu pokriveni kontrolom.”

„ (6) Revizijska kontrola se neće tražiti i u slučajevima u kojima je obveznik PDV-a duži vremenski period u prijavama samooporezivanja u svim poljima prijave iskazivao nule, a u početku registracije u istim iskazivao promete, odnosno vrijednosti ulaza i izlaza, ali je u međuvremenu nastupila zastara prava UIO na razrez obaveza, shodno članu 36. Zakona o postupku indirektnog oporezivanja, u kom slučaju se ne može izvršiti kontrola istih.“

„ (7) Nakon što kontrolni organ nadležan za kontrolu pravnog sljedbenika društva koje je izvršilo statusnu promjenu pripajanja, spajanja ili podjele dostavi zapisnik o revizijskoj kontroli Odsjeku za podršku, isti će, na osnovu podataka iz zapisnika o kontroli sljedbenika, u postupku utvrđivati ispunjenost uslova za prestanak registracije društva kojem je prethodno oduzet identifikacioni broj, shodno članu 43. Pravilnika.“

„ (8) U postupku prestanka registracije Odsjek za podršku prikuplja podatke od drugih organizacionih jedinica Uprave iz okvira njihove nadležnosti o eventualnim dugovanjima i počinjenim prekršajima i krivičnim djelima, a koje mogu imati utjecaja na postupak prestanka registracije.“

„ (9) Za obveznika PDV-a koji od početka registracije podnosi samo prijave sa iskazanim nulama u svim poljima prijave, kao i u slučajevima iz stava (6) ovog člana, postupak prestanka registracije po službenoj dužnosti provodi se na način da službenik Grupe za podršku vrši određene provjere (promet po svim transakcionim računima otvorenim kod banaka kod kojih obveznik ima otvorene račune i sl.) i uzima izjave obveznika, te sve prikupljene dokaze uz sačinjenu službenu zabilješku o izvršenim provjerama dostavlja Odsjeku za podršku na dalje postupanje.“

„ (10) Za obveznika PDV-a koji je u periodu od maksimalno 60 mjeseci prije pokretanja postupka prestanka registracije u polju 11 i/ili 21, 22 i 23 prijave samooporezivanja iskazao vrijednost manju od 20.000,00KM, za periode koji nisu pokriveni kontrolom, postupak prestanka registracije provodi se na način da službenik Grupe za podršku, na osnovu dostavljene popisne liste dobara na zalihama, vrši provjeru da li je izvršen obračun PDV-a na zalihe i da li je iskazan u posljednjoj prijavi za PDV, te po potrebi traži dostavu pojedinih ulaznih faktura na osnovu kojih je izvršen odbitak ili povrat PDV-a u određenom periodu. O izvršenim provjerama sačinjava službenu zabilješku i cjelokupnu prikupljenu dokumentaciju i dokaze dostavlja Odsjeku za podršku na dalje postupanje.“

„ (11) Ukoliko su uslovi ispunjeni, nakon provedenog postupka prestanka registracije, Odsjek iz stava (1) donosi rješenje o prestanku registracije.“

Dosadašnji stav (4) postaje stav (12).

Član 12.

Iza člana 12. dodaje se novi član 12a. koji glasi:

„ Član 12a.
(Oduzimanje identifikacionog broja)

(1) Odsjek za podršku po službenoj dužnosti provodi postupak oduzimanja identifikacionog broja u slučajevima navedenim u članu 43. Pravilnika.

(2) U slučaju kada je porezni obveznik nedostupan za kontrolne organe UIO, o tome kontrolni organi, nakon iscrpljivanja svih mogućnosti kontaktiranja sa obveznikom, odgovornim licem obveznika i knjigovođom, te nadležnom poreznom upravom, sačinjavaju pismenu informaciju u kojoj konstatuju činjenično stanje i istu dostavljaju Odsjeku iz stava (1) na nadležno postupanje.

(3) Postupak oduzimanja identifikacionog broja obveznika primjenjuje se i u slučaju statusnih promjena društva, kojim ono prestaje da postoji (pripajanje, spajanje i podjela društva), na osnovu dostavljenog rješenja nadležnog suda o izvršenoj statusnoj promjeni, nakon čega se o istom obavještava kontrolni organ nadležan za kontrolu njegovog pravnog sljedbenika.

(4) U slučaju kada porezni obveznik obavlja poslovnu djelatnost kao „fiktivni promet“ navedeno činjenično stanje se utvrđuje kontrolom i konstatuje zapisnikom o kontroli, u kojem se nedvosmisleno navodi da je sav promet koji je obveznik izvršio fiktivan i isti se dostavlja Odsjeku iz stava (1) na nadležno postupanje sa prijedlogom za pokretanje postupka oduzimanja identifikacionog broja.“

Član 13.

U članu 14. stav (1) iza riječi „izmjene“ stavlja se interpunkcijski znak zarez i dodaju riječi „prestanak registracije i oduzimanje identifikacionog broja“.

Član 14.

Iza člana 31. dodaje se novi član 31a. koji glasi:

„Član 31a.

(Redoslijed upisa naziva obveznika)

(1) Obvezniku fizičkom licu-preduzetniku koji je upisan u Registar i kojem je prilikom upisa u nazivu prvo upisan naziv preduzetničke radnje, a potom ime i prezime, izvršiće se izmjena redoslijeda upisivanja naziva, na način da se prvo upiše ime i prezime obveznika, a potom naziv preduzetničke radnje.

(2) Nadležna Grupa za podršku, nakon što izvrši izmjene iz stava (1) ovog člana, o istim obavještava Odsjek za podršku, koji po službenoj dužnosti izdaje novo uvjerenje o registraciji i upisu u Registar.“

Član 15.

U članu 32. stav (1) brišu se riječi „ u smislu člana 41. Pravilnika“ a umjesto njih se dodaju riječi „nakon spajanja dosadašnjih registara“.

Član 16.

Ovo Uputstvo stupa na snagu narednog dana od dana objavljivanja u "Službenom glasniku Bosne i Hercegovine".

Broj: **02-2-2101/13**

Direktor

Datum: **02.10.** 2013. godine

Dr. Miro Džakula